

بِسْمِ اللّٰهِ الرَّحْمٰنِ الرَّحِیْمِ
نَحْمَدُهٗ وَنُصَلِّیْ عَلٰی رَسُوْلِهِ الْکَرِیْمِ

সংক্ষিপ্তসার খুতবা জুম্মা

তাবূকের যুদ্ধাভিযানের প্রেক্ষাপটে মহানবী (সা.)-এর জীবনচরিতের বর্ণনা

সৈয়্যদনা হযরত আমীরুল মুমিনীন হযরত মির্যা মাসরুর আহমদ খলিফাতুল মসীহ আল্ খামেস আইয়াদাছল্লাহ তাআলা বেনাস্রিহিল আযিয কর্তৃক ১৭ অক্টোবর, ২০২৫ ইং তারিখে যুক্তরাজ্যের (টিলফোর্ড) ইসলামাবাদের মসজিদে মুবারকে প্রদত্ত খুতবা জুম্মার সংক্ষিপ্তসার

আশ্হাদু আল্লাহ ইলাহা ইল্লাল্লাহু ওয়াহ্দাহু লাশারীকালাহু, ওয়াশ্হাদু আন্বা মুহাম্মাদান আবদুহু ওয়ারসূলুহু। আন্মাবাদু ফা-আউযুবিল্লাহি মিনাশ শয়তানির রজিম, বিসমিল্লাহির রহমানির রহিম। আল্হামদু লিল্লাহি রব্বিল ‘আলামিন। আর রহমানির রহিম। মালিকি ইয়াওমিদ্দিন। ইয়্যাকা না’বুদু ওয়া ইয়্যাকা নাস্তাঈন। ইহদিনাস সিরাত্বাল মুসতাক্বীম। সিরাত্বাল লায়ীনা আনআ’মতা আ’লাইহিম। গায়রিল মাগদূবি ‘আলায়হিম। ওয়ালাদদল্লীন।

তাশাহ্হুদ, তা’উয ও সূরা ফাতিহা পাঠের পর সৈয়্যদনা হুযূর আনোয়ার (আই.) বলেন, তাবূকের যুদ্ধাভিযান সম্পর্কে সংক্ষেপে কিছু কথা উল্লেখ করেছিলাম। আজ এ বিষয়ে আরো বিশদ বিবরণ তুলে ধরবো।

হযরত মুসলেহ্ মাওউদ (রা.) তাবূকের যুদ্ধের প্রেক্ষাপট বর্ণনা করতে গিয়ে বলেন, যখন রাসূলুল্লাহ (সা.) মক্কা বিজয় করলেন, তখন আবু আমর মাদানী নামে এক ব্যক্তি ছিল, যে খায়রাজ গোত্রের অন্তর্ভুক্ত ছিল এবং ইহুদি ও খ্রিস্টানদের সাথে মেলামেশার কারণে জিকির-আযকারে অভ্যস্ত ছিল। লোকেরা তাকে রাহিব (সন্ন্যাসী) বলত, যদিও সে খ্রিস্টান ধর্মে দীক্ষিত ছিল না। এই ব্যক্তি মহানবী (সা.)-এর মদীনায় আগমনের পরপরই পালিয়ে গিয়েছিল। যখন মক্কা বিজয় হয়ে গেল, তখন সে চিন্তা করতে লাগল যে, ইসলামের বিরুদ্ধে গোলযোগ সৃষ্টি করার জন্য কোনো নতুন কৌশল ভাবা উচিত। অবশেষে সে তার নাম ও অবয়ব পরিবর্তন করল এবং মদীনার কাছে কুবা নামক গ্রামে থাকতে শুরু করল। বছরের পর বছর বাইরে থাকার কারণে মদীনার লোকেরা তাকে চিনতে পারেনি। সে মদীনার মুনাফিকদের সাথে মিলে এই কৌশল আঁটল যে, সে আরবের বিভিন্ন খ্রিস্টান গোত্রকে এবং সিরিয়ায় গিয়ে খ্রিস্টান শাসককে মুসলমানদের বিরুদ্ধে উত্তেজিত করবে এবং তাদেরকে মদীনায় আক্রমণের জন্য উস্কে দেবে আর অপরদিকে মুনাফিকরা এ সংবাদ ছড়িয়ে দেবে যে, সিরিয়ার সৈন্যবাহিনী মদীনায় আক্রমণ করতে আসছে।

আগত খবরের ভিত্তিতে, মহানবী (সা.) এই সিদ্ধান্তে পৌঁছলেন যে, রোম সাম্রাজ্যের মোকাবেলা করতে যদি বিলম্ব হয়ে যার আর তারা যদি এসে মদীনায় আক্রমণ করে বসে তাহলে মুসলমানরা অধিক ক্ষতিগ্রস্ত হবে। তাই তিনি (সা.) সিদ্ধান্ত গ্রহণ করেন, আমরা তাদের এলাকায় গিয়ে তাদেরকে প্রতিহত করবো। অন্যান্য বার তো তিনি (সা.) সাধারণত যুদ্ধ পরিকল্পনার বিষয়টি গোপন রাখতেন, কিন্তু এবার তিনি প্রকাশ্যে ঘোষণা দেন আর পথের কাঠিন্য ও দূরত্ব এবং শত্রুসংখ্যার আধিক্য সম্পর্কেও পূর্বেই সবাইকে অবগত করেন। কেননা, সে বছর দূর্ভিক্ষের বছর ছিল, গরমের মৌসুম ছিল, শত শত মাইলের দীর্ঘ পথ এবং পথের রসদের অভাব এর সাথে যুক্ত হয়েছিল। ফসল কাটার মৌসুম ছিল, কিন্তু যুদ্ধের ঘোষণা শুনে নিবেদিতপ্রাণ সাহাবীরা অন্য কোনো কিছু না ভেবে যুদ্ধের প্রস্তুতি গ্রহণ করতে আরম্ভ করেন।

এরূপ অভাব-অনটনের সময় যুদ্ধের প্রস্তুতিস্বরূপ যে খরচাদি প্রয়োজন ছিল তার জন্য মহানবী (সা.) সাহাবীদের কাছে আর্থিক কুরবানীর আহ্বান জানান। তাঁরাও স্বতঃস্ফূর্তভাবে তাঁর আহ্বানে সাড়া দেন। তাদের মাঝে সর্বাপ্রাে ছিলেন, হযরত আবু বকর (রা.)। তিনি (রা.) যখন নিজের সম্পদ মহানবী (সা.)-এর সমীপে পেশ করেন তখন তিনি (সা.) তাকে জিজ্ঞেস করেন, তুমি ঘরে কিছু রেখে এসেছ কি-না? উত্তরে হযরত আবু বকর (রা.) বলেন, আমি আল্লাহ ও তাঁর রসূল (সা.)-কে রেখে এসেছি। এভাবে তিনি ঘরের সব কিছু কুরবানী করে দেন। হযরত উসমান (রা.) অনেক বড় কুরবানী করেন। এক বর্ণনানুযায়ী, তিনি (রা.) তিনশ' উট হাওদাসহ প্রদান করেন। অন্য এক বর্ণনায় পাওয়া যায়, তিনি (রা.) এক হাজার দীনারও প্রদান করেছিলেন। এছাড়া এ বর্ণনা রয়েছে, তিনি (রা.) এক হাজার উট এবং সত্তরটি ঘোড়া প্রদান করেছিলেন। আবার কোনো কোনো রেওয়াজেতে এটিও উল্লেখ করা হয়েছে যে, তিনি যুদ্ধের সমস্ত খরচ বহন করেছিলেন। যাহোক, মহানবী (সা.) তাঁর সম্পর্কে বলেন, উসমানের ভবিষ্যৎ কর্মকাণ্ডের জন্য কোনো জবাবদিহিতা হবে না। আরেক বর্ণনানুযায়ী তিনি (সা.) দোয়া করেন, আজ উসমান যা করেছে এর কারণে সে কখনো ক্ষতিগ্রস্ত হবে না।

হযরত আব্দুর রহমান বিন অওফ (রা.)-র বদান্যতা সম্পর্কে বর্ণিত হয়েছে, তিনি একশ', মতান্তরে দুইশ' উকিয়া রৌপ্য প্রদান করেছিলেন।

হুযূর আনোয়ার (আই.) বলেন যে, জামা'ত আহমদীয়ার সদস্যরাও এই বিষয়টি বোঝেন যে, আর্থিক ত্যাগের গুরুত্ব কতখানি। আমি প্রায়ই বিভিন্ন ঘটনা বর্ণনা করি, যেখানে কিছু লোক বাস্তবে তাদের যা কিছু আছে, তা পেশ করে দেয়। ধনী ব্যক্তিদেরও এবং বিত্তশালী লোকদেরও হযরত আবুবকর, হযরত উমর (রা.) এবং হযরত উসমান (রা.)-এর দৃষ্টান্ত নিজেদের সামনে রাখা উচিত। আল্লাহ্‌তা'লার ফযলে, অনেক ধনী ব্যক্তি আছেন যারা উচ্চ মানের কুরবানী করে চলেছেন।

এই পরিস্থিতিতে বিত্তশালী সাহাবাদের পাশাপাশি গরীব এবং অভাবী সাহাবারাও তাঁদের সামর্থ্য অনুযায়ী আর্থিক কুরবানী পেশ করেছিলেন। মুনাফিকরা এই গরীব সাহাবাদের কুরবানী নিয়ে ঠাট্টা করত যে, এরা একমুঠো খাদ্যশস্য পেশ করে রোমানদের বিরুদ্ধে যুদ্ধের প্রস্তুতি নিচ্ছে! মহিলাারাও

এই সময়ে তাঁদের অলঙ্কারাদি পেশ করে আর্থিক কুরবানীতে অংশ নিয়েছিলেন।

মুনাফিকরা নিজেদের পক্ষ থেকে পরিপূর্ণ চেষ্টা করছিল এবং মুসলমানদের ভীতি প্রদর্শনের মাধ্যমে যুদ্ধে যেতে বাধা প্রদানের চেষ্টায় রত ছিল, কিন্তু নিষ্ঠাবান সাহাবীদের হৃদয়ে এর কোনো প্রভাব পড়ে নি। মুনাফিকরা মহানবী (সা.)-এর সমীপে এসে যুদ্ধে না যাওয়ার অজুহাত প্রদর্শন করলে তিনি (সা.) তাদেরকে অনুমতি দেন, কিন্তু পবিত্র কুরআন সূরা তওবায় তাদের পর্দা উন্মোচন করেছে। আল্লাহ তা'লা বলেন,

এটি যদি কোনো তাৎক্ষণিক লাভের ব্যাপার হতো এবং সফরও সংক্ষিপ্ত হতো তাহলে তারা নিশ্চয়ই তোমার অনুসরণ করতো, কিন্তু সফরের ব্যবধান তাদের নিকট দীর্ঘ প্রতীয়মান হলো। তথাপি নিশ্চয়ই তারা আল্লাহর নামে শপথ করে বলবে, ‘যদি আমাদের সাধ্য থাকত তাহলে নিশ্চয় আমরা তোমাদের সাথে বের হতাম।’ তারা নিজেদেরকে ধ্বংস করছে; আর নিশ্চয়ই আল্লাহ অবগত আছেন যে, তারা মিথ্যাবাদী। আল্লাহ তোমাকে মার্জনা করে দিয়েছেন। তুমি কেন তাদেরকে অনুমতি দিলে যতক্ষণ পর্যন্ত না তোমার নিকট তাদের বিষয়টি সুস্পষ্ট হয়ে যেত যারা সত্য বলছে এবং তাদেরকে তুমি চিনতে পারতে— যারা মিথ্যাবাদী? যারা আল্লাহ এবং পরকালের প্রতি ঈমান রাখে তারা নিজেদের সম্পদ ও জীবন দিয়ে জিহাদ করা হতে (বিরত থাকতে) তোমার নিকট অনুমতি চায় না। বস্তুত আল্লাহ মুত্তাকীদের ভালোভাবে জানেন। তোমার নিকট অনুমতি কেবল তারাই চায় যারা আল্লাহ এবং পরকালের প্রতি ঈমান আনে না, প্রকৃতপক্ষে তাদের হৃদয়সমূহ সন্দেহপূর্ণ, ফলে তারা তাদের সন্দেহে দ্বিধাগ্রস্ত হয়ে পড়ে এবং তারা যদি বের হওয়ার সংকল্প করে থাকত তাহলে তারা এর জন্য উত্তমরূপে প্রস্তুতি গ্রহণ করত; কিন্তু তাদের অগ্রসর হওয়াকে আল্লাহ পছন্দ করেন নি। আর তিনি তাদের সেখানেই পড়ে থাকতে দিলেন এবং তাদের বলা হলো যে, বসে থাকো, যারা বসে থাকে তাদের সাথে। যদি তারা তোমাদের মধ্যে शामिल হয়ে জিহাদে বের হতো, তবে বিশৃঙ্খলা ছাড়া তোমাদের আর কোনো কিছু বৃদ্ধি করত না এবং তোমাদের মাঝে দ্রুত ঘোড়া দৌড়াতো, তোমাদের জন্য ফিতনা কামনা করত। অথচ তোমাদের মধ্যে তাদের কথা মনোযোগ দিয়ে শোনার লোকও আছে। আর আল্লাহ অবশ্যই জালিমদেরকে জানেন। নিশ্চয়ই এর আগেও তারা ফিতনা চেয়েছিল এবং তারা তোমার সামনে বিষয়গুলো ওলট-পালট করে পেশ করেছিল, যতক্ষণ না সত্য এসে গেল এবং আল্লাহর ফয়সালা প্রকাশ হয়ে গেল, যদিও তারা তা কঠিন অপছন্দ করছিল। (সূরা তওবা) অতএব, আল্লাহ তা'লা এভাবে মুনাফিকদের অবস্থা বর্ণনা করে দিয়েছেন।

হুযূর আনোয়ার বলেন এর অবশিষ্ট ঘটনা আগামীতে বর্ণনা করব। ইনশাআল্লাহ।

হুযূর আনোয়ার (আই.) রাবওয়ার মসজিদে সন্লাসী হামলায় আহত আহমদী সদস্যদের জন্য দোয়ার তাহরীক করে বলেন, যারা আহত হয়েছেন তাদের জন্য দোয়া করুন, আল্লাহ যেন তাদেরকে পরিপূর্ণ আরোগ্য দান করেন। আল্লাহ তা'লা সকল ভবিতব্য বিপদাপদ থেকে তাদেরকে রক্ষা করুন। বর্তমানে তিনজন খুদ্দাম গুরুতর আহত অবস্থায় হাসপাতালে চিকিৎসাধীন আছেন আর অবশিষ্ট

পাঁচজনকে চিকিৎসা দিয়ে বাড়িতে পাঠিয়ে দেয়া হয়েছে, সেখানে আরও কিছুদিন চিকিৎসা চলতে থাকবে। আল্লাহ্‌তা'লা তাদের সবাইকে আশু পূর্ণাঙ্গ আরোগ্য দান করুন এবং ভবিষ্যতে জামা'তের সদস্যদের সব ধরনের মন্দ বিষয় থেকে সুরক্ষিত রাখুন।

খুতবার শেষদিকে হুযূর (আই.) মার্শাল আইল্যাণ্ডের মরহুম জনাব সাম আলী নায়না সাহেবের স্মৃতিচারণ করেন এবং নামাযের পর তার গায়োবানা জানাযা পড়ানোর ঘোষণা দেন।

হুযূর (আই.) মরহুমের বিদেহী আত্মার শান্তি, ক্ষমা ও উন্নত পদমর্যাদা লাভের জন্য দোয়া করেন এবং তার বংশে যারা এখনো আহমদীয়াত গ্রহণ করেন নি তাদের আহমদীয়াত গ্রহণের সৌভাগ্য লাভের জন্য দোয়া করেন।

আল্‌হামদুলিল্লাহি নাহ্‌মাদুহু ওয়া নাসতায়ীনুহু ওয়া নাসতাগ্‌ফিরুহু ওয়া নু'মিনুবিহী ওয়া নাতাওয়াক্বালু
আলাইহি ওয়া না'উযুবিল্লাহি মিন শুরুরি আনফুসিনা ওয়া মিন সায়িয়াতি আ'মালিনা-মাইয়্যাহ্‌দিহিল্লাহু
ফালা মুযিল্লালাহু ওয়া মাই ইউয্লিলহু ফালা হাদিয়াল্লাহু-ওয়া নাশহাদু আল্লা ইলাহা ইল্লাল্লাহু ওয়াহ্দাহু
লা শারীকালাহু ওয়ানাশহাদু আনু মুহাম্মাদান আবদুহু ওয়া রাসূলুহু-

‘ইবাদল্লাহি রাহিমাকুমুল্লাহু-ইনাল্লাহা ইয়া’মুরু বিল ‘আদলি ওয়াল ইহসানি ওয়া ঙ্গ’তাইযিল
কুরবা ওয়া ইয়ানহা ‘আনিল ফাহ্‌শাই ওয়াল মুনকারি ওয়াল বাগ্‌ই-ইয়াইযুকুম লা’আল্লাকুম
তায়াক্বারন। উয়কুরুল্লাহা ইয়াযকুরকুম ওয়াদ’উহু ইয়াসতাজিবলাকুম ওয়ালা যিকুরুল্লাহি আকবর।

(‘মজলিশ আনসারুল্লাহ্ ভারত’ কর্তৃক প্রকাশিত সংক্ষিপ্ত উর্দু খুতবার অনুবাদ)

Bengali Khulasa Khutba Juma Huzoor Anwar ^(at) 17 October 2025 Distributed by	To,	
Ahmadiyya Muslim MissionP.O..... Distt.....Pin..... W.B		
বিশদে জানতে:Toll Free No.1800 103 2131 www.alislam.org www.mta.tv www.ahmadiyyamuslimjamaat.in		

Summary of Friday Sermon, 17 October 2025 Bengali 4/4; Translated by Bangla Desk Qadian